

Qaqortoq, 25. januar 2017

Inatsisartut suleriaasianni § 37 naapertorlugu matumuuna Naalakkersuisunut apeqqut imaattoq saqqummiuppara:

Apeqqut:

1. Innarluutillit illersuisussaannik pilersitsinissamut UPA2016-imi Inatsisartut aalajangiiffigerigaat suliaq maanna sumut killippa?

(Inatsisartuni ilaasortaq Vivian Motzfeldt, Siumut)

Tunngavilersuut:

UPA 2016 inatsisissatut siunnersuut ima qulequtaqartoq (Takuuk ataani qulequtaq) partiinit attaviitsumillu taperserneqarluni akuersissutigineqarpoq. Inaarutaasumik isumaliutissiisummi Naalakkersuisut peqquneqarput siunnersuutip piviusunngortinneqarnissaannut Aningaasanut Inatsimmi aningaasanik immikkoortitsisoqarnissaa qulakkeerneqassasoq, matumuuna suliap killiffianik paasissutissinneqarnissara piumasaraara.

“Innarluutillit pisinnaatitaaffii pillugit Nunarsuarmioqatigiit isumaqatigiissutaasa nunatsinnilu innarluutillit pisinnaatitaaffiisa tamakkiisumik illersorneqarsinnaasumillu atuutsinneqarnissaat anguniarlugu Naalakkersuisut kingusinnerpaamik 2017-imi Innarluutillit illersuisuannik pilersitseqqullugit Inatsisartut aalajangiiffigisassaattut siunnersuut.”

Inussiarnersumik kissaatigaara apeqquteqaatikka ullut suliffiusut qulit iluanni akineqassasut.